

"Službene novine Federacije BiH", br. 65/07

Na osnovu odredbi člana 86. stav 7. Zakona o cestovnom prijevozu Federacije Bosne i Hercegovine ("Službene novine Federacije BiH, broj 28/06), federalni ministar prometa i komunikacija donosi

PRAVILNIK

O NAČINU ISKLJUČIVANJA VOZILA IZ PROMETA I NAČINU UDALJAVANJA VOZAČA ILI ČLANA POSADE IZ VOZILA

Član 1.

Ovim Pravilnikom propisuje se način isključivanja vozila iz prometa, udaljavanja vozača ili člana posade iz vozila, kao i provođenje drugih mjera propisanih članom 86. Zakona o cestovnom prijevozu Federacije BiH (u daljnjem tekstu: Zakon).

Član 2.

Prije izricanja mjera predviđenih članom 86. Zakona, inspektor za cestovni promet (u daljnjem tekstu: inspektor) sačinjava zapisnik u kome utvrđuje povredu propisa za koju je predviđena mjera isključivanja vozila iz prometa, odnosno udaljavanje vozača ili člana posade iz vozila.

I. Način isključivanja vozila iz prometa

Član 3.

Nakon što zapisnički konstatuje da je učinjen jedan ili više prekršaja iz člana 85. tačka 3. Zakona, inspektor izdaje rješenje o privremenoj zabrani obavljanja prijevoza i odmah, na licu mjesta, izdaje i rješenje o isključivanju vozila iz prometa.

Član 4.

Vozilo koje se isključuje iz prometa mora se nalaziti van kolovoza.

Ako je vozilo pod teretom ili sa putnicima, prometna dozvola i registarske tablice oduzimaju se u mjestu u kome je moguće obaviti pretovar stvari, odnosno presjedanje putnika.

Ako se radi o vozilu kojim se obavlja taksi prijevoz, inspektor isključuje vozilo iz prometa oduzimanjem prometne dozvole, registarskih tablica, "taxi" oznake i evidencijskog broja.

Član 5.

Inspektor cestovnog prometa zatražit će od člana posade, koji je vozač vozila u momentu zaustavljanja vozila koje se isključuje iz prometa, a na koga se primjenjuje postupak iz člana 3. ovog Pravilnika, da preda prometnu dozvolu za vozilo i da skine registarske tablice.

U slučaju da vozač odbije da skine registarske tablice, vozilo se o trošku vlasnika ili vozača upućuje na najbližu stanicu tehničkog pregleda ili najbližu automehaničarsku radionicu, čiji će radnik obaviti skidanje registarskih tablica.

Inspektor može angažovati drugo lice da obavi skidanje registarskih tablica na mjestu gdje se isključuje vozilo iz prometa.

Član 6.

Na zahtjev inspektora, vozač je dužan vozilo prevesti sa mjesta isključenja na mjesto na kojem neće ugrožavati sigurnost prometa ili ometati normalan tok prometa (vlastito parkiralište, javno parkiralište i sl.), te o mjestu parkiranja pismeno obavijestiti organ čiji je inspektor isključio vozilo iz prometa.

"Službene novine Federacije BiH", br. 65/07

Za vrijeme trajanja isključenja ne može se koristiti vozilo koje je u vršenju inspeksijskog nadzora isključeno iz prometa.

U slučaju da vozač ne postupi u skladu sa odredbama stava 1. ovog člana, vozilo može biti premješteno na drugo mjesto radi čuvanja, na period određen mjerom isključenja.

Troškove premještanja i čuvanja vozila u svim slučajevima snosi vozač ili vlasnik vozila.

Premještanje i čuvanje vozila, na zahtjev nadležnog inspektora, obavlja služba ili organizacija koja je na području određene općine nadležna za premještanje i čuvanje vozila koja su nepropisno parkirana.

Član 7.

Sve posljedice i troškove nastale zbog isključivanja vozila iz prometa u potpunosti snosi vlasnik vozila ili vozač vozila, kojem služba ili organizacija nadležna za premještanje i čuvanje vozila, neposredno dostavlja račun za nastale troškove.

II. Način udaljavanja vozača ili člana posade iz vozila

Član 8.

Ako inspektor zapisnički konstatuje da vozač ili član posade vozila obavlja poslove i zadatke i pored izrečene mjere privremene zabrane, izdaje rješenje o udaljavanju vozača ili člana posade iz vozila.

Član 9.

Ako je vozilo pod teretom ili sa putnicima, vozač ili član posade iz vozila udaljava se u mjestu u kome je moguće obaviti zamjenu vozača, ukoliko psihofizičko stanje lica koje se udaljava iz vozila to omogućuje, a u protivnom, treba osigurati drugog vozača.

III. Izdavanje potvrde i vođenje evidencija o oduzetim stvarima i dokumentima

Član 10.

Prilikom oduzimanja prometne dozvole i registarskih tablica za vozilo ili prilikom udaljavanja člana posade iz vozila inspektor izdaje potvrdu o oduzimanju dokumenata i stvari koje su se nalazile u vozilu u momentu isključivanja vozila i ista važi za period utvrđen mjerom isključenja, odnosno udaljavanja vozača ili člana posade iz vozila i istu uručuje vozaču, odnosno vlasniku vozila.

Obrazac potvrde o oduzimanju prometne dozvole i registarskih tablica, odnosno dokumentacije vozača ili člana posade, a kod taksi vozila još i taksi oznake i evidencijskog broja, dat je u prilogu i sastavni je dio ovog Pravilnika.

Član 11.

Prometnu dozvolu i registarske tablice za vozilo, inspektor za cestovni promet čuva u svojim radnim prostorijama, na za to određenom mjestu i o tome vodi evidenciju.

U slučaju da vozač, odnosno vlasnik vozila isključenog iz prometa po isteku roka predviđenog za isključivanje vozila iz prometa, odnosno udaljavanja člana posade iz vozila ne preuzme oduzete dokumente i stvari, iste će biti predate nadležnom organu u zavisnosti od vrste oduzetih predmeta.

IV. Prijelazne i završne odredbe

Član 12.

Danom stupanja na snagu ovog Pravilnika prestaje da važi Pravilnik o načinu i postupku oduzimanja prometne dozvole i registarskih tablica i udaljavanju članova posade iz vozila ("Službene novine Federacije BiH, broj 36/98).

Član 13.

Ovaj Pravilnik stupa na snagu osmog dana od dana objavljivanja u "Službenim novinama Federacije BiH".

Broj 01/6-27-1071-1/07
3. septembra 2007. godine
Sarajevo

Ministar
Nail Šećkanović, s. r.

Memorandum nadležnog organa za poslove inspekcije

Broj:

Datum:

Na osnovu člana 86. stav 2. i člana 89. Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06) u predmetu vršenja nadzora u oblasti cestovnog prometa, federalni – kantonalni inspektor cestovnog prometa, i z d a j e :

P O T V R D U

PRIVREMENO SE ODUZIMA vozaču

(ime i prezime vozača, ime jednog od roditelja i prebivalište-boravište)

1. Saobraćajna dozvola br. izdata od
na ime

(ime, prezime i adresa vlasnika-odnosno naziv nosioca prava raspolaganja vozilom)

2. Registarske tablice

3.

4.

5.

Mjesto, vrijeme i datum oduzimanja:

Razlog oduzimanja:

Rok na koji se dokumenti / stvari oduzimaju:

Oduzeti dokumenti/stvari mogu se preuzeti po isteku roka oduzimanja u prostorijama

(navesti službene prostorije gdje će se preuzeti)

a ukoliko se u tom roku ne preuzmu isti će biti predati organu u čijoj se evidenciji vode.

Vozač, odnosno član posade vozila, svojim potpisom potvrđuje da u isključenom vozilu nema dokumenata, vrijednosnih papira, novca niti drugih dragocjenosti, kao ni ostalih stvari koje nisu dio vozila, te da je upozoren da iste mora uzeti prilikom isključenja vozila iz prometa – napuštanja vozila. (Ako u vozilu ostaju stvari od vrijednosti, iste je potrebno navesti)

(potpis vozača)

Ova potvrda sačinjena je u dva istovjetna primjerka od kojih se jedan primjerak uručuje vozaču, a jedan primjerak ostaje inspektoru.

Ova potvrda je glasno pročitana i stavljena je primjedba:

M.P. INSPEKTOR

.....
.....
(puno ime i prezime i br. iskaznice)